

## ФАРГОНАДА НАВБАТДАГИ ТАДБИРКОРЛАР ҚАБУЛИ ЎТКАЗИЛДИ

---

Бугун Фарғона шаҳридаги вилоят "Тадбиркорлар уйи"да вилоят ҳокимининг ўринбосари Хожикўзижон Исаков иштирокида тадбиркорлар қабули ташкил этилди. Унда турли йўналишларда фаолият олиб бораётган 20 нафардан зиёд тадбиркорларнинг мурожаатлари эшилди.

Фуқаролар тадбиркорлик фаолиятини кенгайтириш, янги технологияларни сотиб олиш, паррандачиликни ривожлантириш учун банк кредити олиш, қум ва шағал учун каръер олиш, табиий газ, кадастр масалалари, муқовалаш хизматини йўлга қўйиш учун жой ва рухсатнома олиш каби турли масалалардаги мурожаатларни ўртага ташладилар.

Ҳар бир мурожаат вилоятдаги тегишли бошқарма ва ташкилотларнинг масъуллари иштирокида кўриб чиқилиб, қабул давомида ҳал этилиши мумкин бўлганларига амалий ечимлар белгиланди. Баъзи мурожаатларни ижобий ҳал этилиши учун қўшимча ўрганишлар олиб бориладиган бўлди.

Шунингдек, қабулда қонуний жиҳатдан қаноатлантириш имконияти мавжуд бўлмаган мурожаатлар бўйича тадбиркорларга тегишли тушунтиришлар берилди.

Бизни ижтимоий тармоқларда кузатинг [Facebook](#), [Telegram](#), [Facebook](#), [YouTube](#), [Instagram](#)

2022-12-05 16:30:33